

tior, tardior pro aetate, ossis crassitie,
pondere, incubituro, vario tempore, intra
20. & 70. dies.

LUXATA.

358. Luxatio est recessus extremi ossis
mobilis ex cavo, in quo naturaliter
movetur, cum motus impedimento.

359. Qui integer, vel pro parte; unde
luxatio, & distorsio.

360. Pessima, quae epiphysi ab corpore
ossis soluta accidit.

361. Causa vis externa extendens, in-
torquens, expellens.

362. Aut interna, cavo innata, extru-
dens.

363. Hae causae (361. 362.) juvantur
extensis, laxatis, ruptis ligamentis, sive id
ab externa, sive ab interna causa.

364. Hinc figureae in parte mutatio, tu-
mor, cavitas, elongatio, accurtatio mem-
bri, immobilitas, distractio musculorum,
torpor subjacentium, paralysis, vasorum
vicinorum compressio, dolor, pervigilium,
inflammatio, oedemia, ankylosis, convul-
sio, marcio, mors partis, vel & totius.

365. Ex quibus notis signa evidentia
habentur luxationis.

366.

366. Et expensis magnitudine, figura, situ, parte pressa & intercepta, tempore durationis, concretione luxatorum, dolore, inflammatione, convulsione, & reliquis symptomatibus, partibus ambientibus tenuioribus, crassioribus, ligamentis destructis, vel modo elongatis, musculis annexis, & similibus, prognosis habetur, quae doceat, an integra, an deficiens, celeris, tarda, facilis, vel difficilis futura sit sanatio.

367. Ad quam requiritur. 1. luxatorum redaptatio, 2. repositorum in suo loco ad sanationis finem retentio.

368. Repositio fit. 1. firmando corpus aegri. 2. movendo partem, ut directe respondeat suae cavitati. 3. introducendo per intorsionem, trusionem, pulsationem.

369. Deposita in quiete retinentur quiete, fasciis, situ partis naturali.

INFLAMMATIO.

370. Inflammatio, Ignis, Phlegmone, ob causae, & effectuum similitudinem, ab igne nomen habet.

371. Estque sanguinis rubri arteriosi in minimis canalibus stagnantis pressio & attritus a motu reliqui sanguinis moti, & per febrim fortius acti.